



[Experts](#)

Mendidik Manusia Menjadi Manusia

2 April 2024

Mendidik manusia menjadi manusia? Persoalan ini agak pelikkan? Adakah manusia yang dilahirkan itu bukan manusia? Tujuan penulisan ini adalah untuk menerangkan bahawa lahirnya seorang manusia itu di muka bumi, belumlah ia benar-benar menjadi manusia jika dia tidak dididik dengan ilmu-ilmu yang sepatutnya.

Agama adalah asas utama yang akan mendidik manusia menjadi manusia. Mengetahui ajaran agama dan tidak mengamalkan ajaran agama juga belum boleh mendidik manusia menjadi manusia

yang sempurna. Dalam hal ini, seseorang hamba/manusia itu perlu memahami, mendalami agama dan mengamalkan ajaran agama tersebut dalam kehidupan sehari-hari.


Perkara mengenai agama ini telah termaktub di dalam prinsip Rukun Negara yang pertama iaitu Kepercayaan Kepada Tuhan. Ini memandangkan agama adalah perkara paling penting dalam kehidupan manusia kerana ajaran agama akan menunjuk arah mana yang perlu dilakukan dan apa yang tidak boleh dilakukan oleh manusia. Terlalu banyak untuk merungkai tentang peranan agama tetapi memadailah anda mengetahui bahawa agama mempengaruhi keseluruhan cara hidup manusia untuk menjadi manusia yang sebenar-benarnya manusia, sentiasa melakukan kebaikan dan menjauhi larangan-Nya.



Agama

perlu jadi pegangan setiap manusia kerana agama mengajak manusia mengenal diri dan ciptaan Allah SWT yang lain.

Universiti mampu melahirkan mahasiswa yang mempunyai ilmu teknologi, teknologi maklumat dan kejuruteraan tetapi pada masa yang sama universiti juga perlu menyediakan subjek-subjek Kemanusiaan agar mahasiswa yang dilahirkan nanti boleh menjadi insan yang mempunyai nilai-nilai kemanusiaan. Justeru, tidak hairanlah pelajar-pelajar didedahkan dengan subjek Etika dan Peradaban, Falsafah dan Isu Semasa serta lain-lain subjek elektif yang bersifat Sains Kemanusiaan atau Sains Sosial.



Subjek

Penghayatan Etika dan Peradaban berperanan mendidik pelajar tentang etika dan peradaban acuan Malaysia

Melalui subjek-subjek Kemanusiaan juga, ia mampu mendidik pelajar untuk menghayati dan melaksanakan nilai-nilai kemanusiaan dalam diri mereka. Antaranya seperti menghormati nilai-nilai kaum lain yang ada dalam sebuah masyarakat majmuk di Malaysia, menghormati hak agama dan kaum lain serta tidak ketinggalan nilai tolak ansur yang menjadi elemen penting untuk perpaduan negara.



Para

pelajar kejuruteraan tekun menyiapkan tugas dalam makmal.

Puasa adalah satu cabang untuk mendidik manusia menjadi manusia. Puasa yang diwajibkan ke atas umat Islam sememangnya berperanan penting untuk mendidik manusia dengan sifat sabar dan mendidik jiwa manusia tentang kesusahan dan kesempitan hidup insan lain. Berpuasa akan menjadikan manusia bukan sahaja sihat, malahan melahirkan rasa ingin menolong orang yang susah dengan cara memberi sumbangan wang atau makanan.



Puasa bukan sahaja menahan lapar dan dahaga, tetapi menahan jiwa dari melakukan sebarang perkara yang boleh mengurangkan pahala puasa.

Selain sabar menahan lapar dan dahaga, puasa juga turut mengajar manusia untuk menjaga tutur kata dan perbuatan yang menjurus kepada kurangnya amalan ibadah puasa. Puasa juga mampu menjaga manusia daripada bersifat sayangkan harta seperti kedekut, mengelakkan dari berbohong, riak berkata dusta, memfitnah, menipu, mengadu domba, mengumpat, mengeji orang lain dan

sebagainya. Oleh itu, puasa mampu mendidik jiwa manusia mengenai akhlak-akhlak mulia seperti tidak berburuk sangka, ingin menolong, ingin menderma, menahan marah, jujur, ikhlas, amanah dan belajar memperbaiki diri. Justeru puasa memainkan peranan penting dalam mendidik jiwa manusia dengan akhlak mulia dan mengelakkan dari mempunyai tingkah laku yang buruk.

Melahirkan seorang warganegara yang patuh pada undang-undang negara juga merupakan salah satu cara untuk mendidik manusia menjadi manusia. Undang-undang perlu dipelajari dan ia tidak akan datang bergolek. Dalam hal ini, perlu ada undang-undang bagi mengawasi tingkah laku dan pergerakan manusia. Tanpa undang-undang, sesebuah negara akan runtuh dan peradaban akan hilang. Ini kerana manusia akan bebas melakukan apa sahaja jika tiada undang-undang melindungi mereka. Justeru, di Malaysia telah diwujudkan Perlembagaan Persekutuan yang menjadi asas kepada perlembagaan negara dan peradaban negara Malaysia sejak merdeka.

Kebebasan bersuara bukan alasan langgar undang-undang

KUALA LUMPUR 12 Mac - Ingin kebebasan bersuara bukan tiket untuk mana-mana pihak termasuk golongan lesbian, gay, biseksual dan transgender (LGBT) membuat keputusan sendiri sehingga melanggar undang-undang sedia ada.

Untuk itu, semua pihak yang ingin menyuarakan sesuatu isu atau pendapat melalui perhimpunan diangatkan untuk memohon kebenaran kerana mereka boleh didakwa di bawah Seksyen 9 (5) Akta Perhimpunan Aman 2012 jika ingkar.

Penganalisis politik dan Pengamal Undang-Undang, Universiti Islam Antarabangsa Malaysia (UIAM), Prof Dr Nik Ahmad Kamsal Nik Mahmood berkata, walaupun hak bersuara terdapat dalam Perlembagaan Persekutuan namun semua pihak perlu mematuhi peraturan sedia ada.

"Perhimpunan aman perlu ikut peraturan di bawah akta perhimpunan aman, jika tidak mereka boleh didakwa."

"Setiap gerakan juga perlu selaras dengan undang-undang kerana jika mereka bergerak dalam kumpulan yang tidak sah, maka ini adalah kesalahan di bawah akta peraturan."

katanya ketika dilihat di Utusan Malaysia hari ini.

Katanya lagi, hak serta kebebasan menzahirkan ekspresi dan hak berpersatuhan juga tertakluk kepada undang-undang berkaitan keselamatan negara, kecenteraman awam serta peraturan moral.

Semalam, Menteri Dalam Negeri, Tan Sri Muhyiddin Yassin memberitahu, golongan LGBT tidak akan terlepas daripada tindakan sekiranya mereka melanggar undang-undang negara.

Kata Muhyiddin, tindakan sebahagian golongan bersamaan berhimpun dan berarak sempena Hari Wanita Sedunia, Sabtu lalu telah melanggar undang-undang kerana tidak memiliki permit.

Ketika perhimpunan dan perarakan itu diadakan penyokong LGBT dirakam melaungkan slogan seperti "Hidup LGBT" dan mengibarkan bendera pelangi yang menandakan sokongan mereka terhadap golongan itu.

Walaupun perarakan itu bertujuan merakam Hari Wanita Sedunia namun kelibat penyokong LGBT mungkin kan perarakan tersebut.

Setiap

setiap warganegara adalah tertakluk dan terlindung di bawah undang-undang Malaysia

Memahami perlembagaan negara adalah elemen penting bagi mewujudkan sebuah masyarakat yang beretika dan beradab mulia. Warganegara yang memahami perlembagaan secara tidak langsung akan memahami cara bagaimana untuk menjadi warganegara yang baik, patuh pada undang-undang negara serta memahami susun atur sistem sosiopolitik acuan negara ini. Dengan ini, suasana harmoni dan makmur akan dikecapi oleh semua lapisan masyarakat di negara ini.

Perkara 153 jamin hak semua kaum

Dari
Kaca
Mata

Datuk Dr Wan Ahmad Fauzi
Wan Hussain

Pengangg Phd Untung Ustaz Perlembagaan Orang
Negeri Raja-Raja (URR) & Penulisan Gattungan Melayu
dan Sarawak (PGMS)

Tentoper kumpulan yang mengadakan intih bagi Malaysia sebagai satu slogan politik untuk mencairkan kehadiran Perkara 153 Perlembagaan Persekutuan.

Perkara 153 ialah perantaraan mengenai jawatankuasa kerajaan negeri-malaya dan anak-anak negeri, iaitu pribumi Sabah dan Sarawak, juga kepentingan sah rumah lain berswasta negara Malaysia.

Berangkait berita turang merintas sejauh seorang tahan air dan persatuan Perlembagaan Persekutuan, hari ini tidak dia kumpulkan yang sedang berterusan.

takrifan bengku Melaka apabila menerima keuntukan ia pun bukan harja dan Tanah Melayu sebagai warganegara Persekutuan. Kefahaman yang betul mengenai intih jati diri, warisan, etnik, bangsa dan keadaan Perkara 153 mampu menghalau pembohong dengnya kepoing sempit yang sekian lama pagi masih belum berpuas untuk mengakui hak perpaduan nasional berterusan kecuali soal merintas acuan water.

Pada hakikatnya, Perkara 153 meletakkan kerajuan ke atas Yang di-Pertuan Agong, buat sahaja untuk menjaga kedaulatan tanah air orang Melayu dan anak-anak negaranya, bahkan kepentingan sah kaum lain sebagai warganegara Malaysia.

Kepentingan Perkara 153 perlu dilihat dari sudut sejarah kerana Raja-Raja Melaka dalam Perjanjian Negeri 1408 telah memberi komitmen kepada orang Melayu dalam hal pengeluaran, imigrasi riboros, hajakan sosial dan pernyataan dalam perkembangan kerajaan.

Pelihara kepentingan kaum lain
Apabila Perjanjian Persekutuan Tahun Melayu 1963 digubal bagi maklumat pembentukan sebuah persekutuan, perkara yang

5 Perkara Tidak Boleh Diubah Dalam Perlembagaan Malaysia Sekalipun Diluluskan Oleh 222 Kerusi Dewan Rakyat Kecuali Persetujuan MAJLIS RAJA-RAJA

1. Agama Islam sebagai agama rasmi,
2. Hak istimewa Raja-Raja Melayu,
3. Hak istimewa orang Melayu,
4. Bahasa Kebangsaan - Bahasa Melayu,
5. Darurat

Mana-mana ahli politik yang menyatakan sebaliknya, ia disebabkan :

1. Tidak faham Perlembagaan Malaysia, atau
2. Tidak menghormati institusi kesultanan, atau
3. Hidup dalam penafian.

Perlembagaan Malaysia adalah tertinggi di Malaysia

Projek khidmat masyarakat dan tanggungjawab sosial juga merupakan kaedah terbaik mendidik generasi muda tentang nilai kemanusiaan. Tidak dinafikan penglibatan pelajar seperti di institusi pengajian tinggi (IPT) dengan kerja-kerja sosial akan memberi pendedahan kepada mereka akan cara hidup dan permasalahan yang dihadapi oleh masyarakat di luar kampus.

Pelajar juga akan dididik dengan sifat rasa kebertanggungjawaban terhadap masyarakat dan memahami budaya masyarakat sekitar. Pelajar yang melibatkan diri dengan masyarakat akan memupuk rasa cakna iaitu bukan sahaja mempelajari teori dan konsep di dalam bilik kuliah semata-mata. Dengan ini, para pelajar tidak sahaja hidup dalam ruang lingkup universiti malahan keluar ke dunia yang lebih luas. Usaha mendekati masyarakat luar akan menjadikan pelajar rasa lebih berkeyakinan apabila berdepan dengan masyarakat, memupuk sifat kepimpinan, kerjasama dan kekitaan dalam kalangan mereka.



Turun dan bergaul dengan masyarakat sangat penting untuk membentuk keperibadian unggul dalam kalangan pelajar.

Kesimpulannya, manusia perlu mencari ilmu untuk menjadikannya manusia yang sebenar-benar manusia. Ilmu tersebut mencakupi ilmu rohani dan jasmani sama ada ia dipelajari dalam kelas, pembacaan dan juga percampuran dengan pelbagai masyarakat. Apa yang jelas, ilmu itu bukan sahaja ilmu sains dan teknologi malahan juga ilmu kemanusiaan. Ini menunjukkan pentingnya akses kepada kedua-dua jenis ilmu ini bagi melahirkan manusia yang seimbang untuk pembangunan agama, bangsa dan negara.



Dr. Hasnah Hussiin

Penulis ialah pensyarah kanan, Pusat Sains Kemanusiaan (PSK), Universiti Malaysia Pahang Al-Sultan Abdullah (UMPSA). Rencana ini adalah pandangan peribadi penulis dan tidak menggambarkan pendirian rasmi Universiti Malaysia Pahang Al-Sultan Abdullah (UMPSA).

E-mel : hasnah@umpsa.edu.my

- 391 views

[View PDF](#)